

do sy die süchten do funden sy die by fremm volck vnd clagten ir
des vogels mangel der im durch den fürsten des meres züge /
fügt wär Nun bist du vnser künigin Vnd din nam ist stercker
dan der fürst des mers Die stöckin nam die clag vff vñ schreib
frem man das er em stryct wider den fürsten des mers übt Do
der fürst des meres das horte Do wußt er sich gegen dem für-
sten der vogel zü kranck vñnd hieß dem vogel sine kind wider
antworten /

DIs byspel hab ich dir gesagt das dir mit nütze ist den
küng züuerachten vnd wider in züuechten vñ dich
damit in sorg des todes zü geben Antwort Senespa
Nicht dunckt mich besser Ich gang zü dem künig
vnd erschein glich frölich vor im das ich im kemen
argen willen erzöug Wann glich wie ich vor zü im gangen bin
bis das ich von im sich das zü fürchten ist Do dis dymna horte
do hett er darab mißfal vñ gedachte wurd der löw mit die zeich-
en an im sehen die er im vor gesagt het So möcht der löw ge-
dencken das im fürtrag argwänig wär Vnd möchten da durch
sin anschleg offenbar werden Vnd sprach zü senespa Nächst dich
züm künig dan magst du watlich befinden durch sin geberd was
in im ist Antwort senespa / Wie mag ich das wissen Antwort
dymna wann du züm künig kumpst syhest du in dann freuelich
ston vnd gegen dir sehen als ob er zü sechten bereit sey vñ wegt
sin hoube gegen dir vnd sichte dich mit gesperten ougen an / mit
in gedruckten oren vñnd das er mit sinem wadel uff den herd
clopft So wissz das du tod bist vñ hüt dich vnd bis bereit zü der
wer Antwort Senespa sich ich vñ dem löwen das du mir sagst
So merck ich das du mir war gesagt hast Vnd do nun dymna
das gemüt des löwen wider Senespa vnd das hertz senespe wis-
der den löwen bewegt vnd irig gemacht het Do gieng dymna
zü sinem brüder kellila / der sprach zü im durch was kumpst du
zü mir in dimer säch Antwort dymna Jetz nahet heil vnd glück
nach miner begir vnd dinem gefallen / dann ich hab sollich wider
wärtigkeit zwüschenden dem künig vnd Senespa gesäet Was ich
weiß das Senespa von des künigs handen sterben wirt /